



Sesida dals

Communitgà ils

Protocol nr.

28 d'avrigl 2020

29 d'avrigl 2020

342

### **Dumonda Cantieni**

concernent la producziun d'energia solara vi da stabiliments d'infrastructura e vi d'edifizis dal chantun

### **Resposta da la Regenza**

La regenza parta l'opiniun che cun la producziun d'energia solara vi d'edifizis e vi da stabiliments d'infrastructura dal chantun possia vegnir contribuì a cuntanscher las finamiras da la Confederaziun e dal chantun areguard la politica d'energia. Cun realisar l'incumbensa Joos da l'onn 2012 concernent l'elavuraziun d'in cataster solar per il Grischun (PCG 2012 648) è vegnì eruì in potenzial da producziun vi dals edifizis dal chantun dad 1,3 uras da gigawatt (GWh) per onn. Ultra da quai ha l'Uffizi da construcziun auta fatg l'onn 2015 in'analisa dal potenzial d'energia solara per ils tetgs dals edifizis dal chantun. Sin edifizis dal chantun èn montads oz 11 implants fotovoltaics che produceschan 1,2 GWh per onn. En quest connex vegni prendì en mira che l'electricitad producida vegnia duvrada en emprima lingia per l'agen basegn. In'otra situaziun da partenza sa mussa tar ils stabiliments d'infrastructura en il sector da las vias. D'ina vart vali da resguardar che implants fotovoltaics na dastgan betg disturbar il traffic ed il mantegniment da las vias, da l'autra vart manca per gronda part la pussaivladad da duvrar l'electricitad per l'agen basegn, ed ina colliaziun cun la rait publica n'è betg adina realisabla. Entant che tar las basas dal UCB sco er tar ils lavuratori (er en collavuraziun cun l'Uffizi federal da vias UVIAS) èn vegnids realisads u èn en planisaziun projects, n'èn fin ussa anc installads u projectads nagins implants fotovoltaics vi d'infrastructuras sper la via sco construcziuns da sustegn e.u.v.

*Tar la dumonda 1:* En il rom da l'extensiun da la producziun d'energias regenerablas surpiglia il chantun ina rolla activa. En connex cun edifizis novs e cun renovaziuns examinescha l'Uffizi da construcziun auta gia oz e dapi blers onns l'installaziun d'im-

plants fotovoltaics. Pervia da las cundiziuns generalas odiernas pon implants fotovol-  
taics vegnir manads en moda economica, sch'els sa chattan en lieus adattads. Per-  
via da quai ha la Regenza l'intenziun d'examinar pli detagliadamain las pussaivla-  
dads per implants fotovoltaics er en connex cun projects da vias, sch'i sa tracta da  
trajects che dovran energia electrica per lur manaschi (en spezial tunnels e galla-  
rias). Sch'il potenzial è avant maun e sche la realisabladad è dada, duain vegnir  
installads implants fotovoltaics en il futur. Ma els ston funcziunar en moda rentabla  
ord vista da la Regenza.

*Tar la dumonda 2:* Per ils edificis dal chantun èn avant maun scleriments dal poten-  
zial correspondents. Pervia da la situaziun da partenza menziunada na vegn in'ana-  
lisa detagliada dal potenzial concernent implants fotovoltaics sin stabiliments d'infra-  
structura existents betg resguardada sco cunvegnera. Il potenzial per realisar im-  
plants fotovoltaics en il perimeter da las vias duai però tuttina vegnir eruì sistemati-  
cain tar quels trajects che dovran energia electrica per lur manaschi u per utiliza-  
ziuns parentadas. Il chantun vegn ad incitar ils scleriments correspondents.

*Tar la dumonda 3:* Per ils edificis dal chantun è avant maun ina priorisaziun corre-  
spondenta che resguarda la strategia d'object dals singuls edificis en il rom da la  
strategia d'immobiglias. Sin basa da questa priorisaziun èsi previs d'installar ulteriurs  
implants fotovoltaics sin edificis existents. Sch'i pon vegnir eruids – en il rom dals  
scleriments menziunads (guardar dumonda 2) – lieus adattads per la producziun  
d'electricitad vi da stabiliments d'infrastructura en il sector da las vias, èsi per la  
Regenza raschunaivel da far studis da realisabladad ed er da realisar implants foto-  
voltaics tras il chantun. Sche investiders privats èn interessads da realisar implants  
fotovoltaics vi d'auters trajects da via che quels menziunads, vegn l'Uffizi da con-  
strucziun bassa ad examinar dumondas correspondentas ed a metter a disposiziun  
ils stabiliments d'infrastructura correspondents per la producziun d'electricitad, pre-  
mess che la realisabladad saja cumprovada.



En num da la Regenza

Il president:

Dr. Chr. Rathgeb

Il chancelier:

Daniel Spadin